



www.BibleForChildren.org



Johi 14



Joni oja paveje tura'avara kaivo ja Godi nimaa
rone Na 'u'o nimaa ro'avara. Nuni Omijihuni ara
ruha mapoka navu. Ija'ina pana'ipisa Na ija'ina
pa'waravu'u. Na va'e joni ruha amairi'i va'u. Na va'e
joni ruha amairiareje Na vukúo roe onuno ja aherama
vahuna. 'Eje Nara
hi'ujano ja 'u'o
hihuna.




Vwehu nune na Jonira joni asurakaho mutumutu
iha Patimasi hiji'i veju. Godoni vu'a 'ee Jesura
núni maa ka'ene venaji rone na ea 'aho'a

'waravumakame senavume
na tipurai ranamiara.




Nú ja pu'úmo 'ajori Jesuni vaji ahija vaji
aruvara. 'Ene Huni harura hari hine 'ee
Hura ni'ajú'eje ata kairasahe

'unama ariri hiju.



Ni'aha kwinu na 'Aveni vaji hiji' i kavume akúpa 'ahi
toronu nami'eme ea pina ijihuni 'aha kajine
asuma hinana.



Uneunecha ka'ene akúpi 'ahi hijura 'ee
mwe'a 'ahi hijura 'ee mwe'a hari
hijura 'ee soha 'aha 'ee vaji
hijujipo na he'eme ija'ina
'wavara. Merajihuna 'ee
ta'arohuna 'ee iha ahasirihuna
'ee harura
majamano
toronu 'ahi
hinuji'o Remui
jhipuna
'wavara.



'E'eme ara nato hwa nimaa nimaa ka'ene Jerusaremi
maiu' inijaho kahi akúpi 'ahi Godoni rene ariha roana.
Areri 'asúra parua 'aja' irore' e amairiu ja'ini ariha
roana. 'E'ejume na hejume toronu 'ahi ira ajira
ika'ina

'waramana.

Ike heha!

Godoni harai

arijaho emaapuni


roana. 'Ena'omo

Hu pu pu'úmo ahuma


hije pu Huni ehija

reje Godiho ori'ini


pu pu'úmo hihuna.



'Enarena 'ona oji'inijara toa ka'ene majama hihuni
toijaho najihana. Toa kajaho chiha niho'o pa'a
maa'omo Godi'o 'ee Remuiji'o puni toronu 'ahi
rena roana.



Ara natohwa kajaho vea 'ee masapa ijipo hanahuna
pana. Ijihuni maijaho Godoni hanaji'inijara
veje hanahuna. Ara natohwa kajihuni
nahehijaho Remuijina.



'Enavo uneunecha chiha rukina ea
sisesa ea ira'asina ijija ara
natohwa kajihuni vwichijaho
pava'e aruhuna. 'Enakaivo
ea irahuni iha Remui
jihuni puka ka'ene
majama hihuniji
na'amajara pupusu
ijí ara natohwa
vaja kajaho va'a
aruhuna.




'Ejakame Hura puni nia toa maho'o
ukunihuna. 'Ene kú'o pakwamasahuna.
'Ene kú'o temuka akehuna pane
niramaruhuna pane hianahuna pa'ana.
Ijihuni maijaho uneunecha marako
orijija nipa'arenana.



'Ena'omo unenu pina sisea siripavujaho panahuna.
'E'eje Godiho 'ee Remuiji' o toronuenu na'eje Huni
pwehipo kaukara Huna venahuna.'Ejakame pu Huni
niura kame 'ee puni
varipata 'aha Huni
ihijaho nahuna.



'Ena'omo ea kwamasahi'ina kivuta. Ea mama'ina
ea ma'u'umaa ijá toronu una'i nami'eme puka
jarasamana. 'Enarena puka pina apena jaraajaho
majama hihuni puka. 'Ena'omo ea ka'ene
kwamasahajija pura raka ka'ene vejajija
puka 'ahi kivi'i 'otua vetiana. 'Ena'omo
majama hihuni puka vajijino
ea irahuni iha
pana'amajaho
vena ni'ima'ura
nahúna na'amajino
pi'onahuna.



'E'ejume Godoni 'Avenijaho 'ee Napasi nehuniji'o
ika'ina 'waravara Roa! Ea irara he'amajaho hu ika'ina
'wara'amana Roa! 'Ene ea irara toa hua'amajaho hu
ika'ina 'wara'amana Roa! 'Ena'omo ea irara majama
hihuni toiiji ape'iro ve'amajaho pa'imehuna vo
maape'ena.



Godi mwe'a kakaho oja niho'o
mahajihuna'e Huni Hariha nikwinuna
kaivo Hu múhana'omo ea irara Hu
nimaa ronujaho hu papa'arehuna
kaivo hu majama hihuna.



Romani 3:23

'Enajihuna'e nú ea mapoka sisea 'ee Godoni
manuriji areria pana.

Romani 6:23

Sisei jihuni 'ehijaho kwamasahuna kaivo Godira swara
ka'ene mamúhajaho Jesu Keriso ka'ene Natohwi jihuni
vaji majama hihuna.

Hipuru 9:27

Emaa kwinu kwino kwamasahuni vea iji pijahu'e
namuna'omo kwamasahareje 'otua vehuna.

Epasasi 2:8,9

Godira maiji vwihanúani vajijino ja nimaa rojajihuna'e
maraniana. Ijaho jara joni harurijino vehuna
pana kaivo Godira swara vene múhana.



Ijaho kaukara'e ja vejakame ijihuna'e veje maranihuna
panakúne ja ea pina jarika pare'amana.

Romani 10:9,10

Ara oni iri Jesuho oni Natohwa 'wa'ika'i Hura kwavume
Godira vejume 'urinaji oni oja vaji nimaa ro'amajaho a
Godoni ea ariramaa rehuna. Ijihuni maijaho ea oja vaji
nimaa ronujaho hu ea ariramaa renuna. 'Ene huni irijino
nahame 'waramajaho hu Godoni ea renana.

Joni 3:16,17

Godi mwe'a kakaho oja niho'o mahajihuna'e Huni Hariha
nikwinuna kaivo Hu múhana'omo ea irara Hu nimaa
ronujaho hu papa'arehuna kaivo hu majama hihuna.
Godi Hariaha ranavume iki mwe'i 'otua pave'i roana kaivo
mwe'akara huni vaji mara'amarono roana.



1 Joni 5:11-13

Iraka ka'ene 'warumajaho ikena. Godi majama hihuna mûhana 'ee ike majama hihunakaho Huni Harihi jihuni vajina. Ea irara Huni Harihiji apenujaho hu majama hihuna kaivo ea irara Godoni Harihiji papenujaho hu majama hihunijaho papenu. Ike raka ka'ene na vejukaho ja ea irahipo Godoni Harihi jihuni ihiji nima rojujihi puna'e veju. 'Ejakame ja majama hihuna ka'ene apejaji hena ka'avarono veju.



Joni 14; 2 Koritia 5; Revaresiani 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Ese Bible (mcq) © 1999, Wycliffe Bible Translators, Inc.
All rights reserved.

<https://live.bible.is/bible/MCQSPP/MAT/1>

©2026 Bible for Children, Inc.

www.M1914.org

www.bibleforchildren.org

